

სახელმწიფო შესყიდვის შესახებ

ხელშეკრულება № -----

ქ. თბილისი

----- 202 -- წ.

1. ხელშეკრულების დამდები მხარეები

1.1. ერთი მხრივ, სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“ - ს/კ №211324351 (შემდგომში „შემსყიდველი“), ცენტრის გენერალური დირექტორის მოადგილის/პროგრამების დირექტორის ირმა ხონელიძის სახით, და მეორე მხრივ, ----- - ს/კ № ----- (შემდგომში „მიმწოდებელი“), მისი ----- სახით.

2. ხელშეკრულების საგანი

2.1. შემსყიდველმა განახორციელა ელექტრონული ტენდერი (№ ----- ელექტრონული ტენდერი აუქციონის გარეშე) აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) მიერ დაფინანსებული „საქართველოში აივ/შიდსის პრევენციის, მკურნალობისა და მოვლის ღონისძიებების გაძლიერება და მდგრადობის უზრუნველყოფა“ (გრანტი №GEO-H-NCDC) პროგრამის ფარგლებში, სამედიცინო ლაბტის (CPV - 33100000 - სამედიცინო მოწყობილობები; CPV - 33141000 - ერთჯერადი არაქიუმური სამედიცინო სახარჯი მასალები და ჰემატოლოგიური სახარჯი მასალები) შესყიდვაზე, რაზედაც მომწოდებელმა აიღო ვალდებულება მოაწოდოს შემსყიდველს ზემოაღნიშნული შესყიდვის ობიექტი.

3. შესყიდვის ობიექტი

3.1 შესყიდვის ობიექტია: სამედიცინო ლაბტი.

3.2. შესყიდვის ობიექტის ტექნიკური მახასიათებლები მითითებულია ტექნიკურ დავალებაში, რომელიც თან ერთვის წინამდებარე ხელშეკრულებას, როგორც მისი განუყოფელი ნაწილი.

4. შესყიდვის ობიექტი ღირებულება

4.1 ინფორმაცია შესყიდვის ობიექტის ერთეულის ფასის შესახებ მითითებულია ფასების ცხრილში, რაც წარმოადგენს წინამდებარე ხელშეკრულების განუყოფელ ნაწილს.

4.2 შესყიდვის ობიექტი საერთო ღირებულებაა -----, ----- (----- ლარი და ----- თეთრი) ლარი.

4.3 ხელშეკრულების დაფინანსების წყაროს წარმოადგენს აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) მიერ დაფინანსებული პროგრამა - „საქართველოში აივ/შიდსის პრევენციის, მკურნალობისა და მოვლის ღონისძიებების გაძლიერება და მდგრადობის უზრუნველყოფა“ (გრანტი №GEO-H-NCDC) (საბიუჯეტო კატეგორია -----).

5. ხელშეკრულების შესრულების კონტროლი

5.1. ხელშეკრულების შესრულების კონტროლს განახორციელებს ხელშეკრულების შესრულების კონტროლის განსახორციელებლად განსაზღვრული კოორდინატორი ან სხვა საამისოდ უფლებამოსილი პირი.

5.2. ინსპექტირების განხორციელებასთან დაკავშირებული ყველა საჭირო საბუთის წარგდენა, ფინანსური ხარჯის და საორგანიზაციო საკითხების გადაწყვეტა ეკისრება მომწოდებელს.

6. შეფუთვა

6.1. მოსაწოდებელი შესყიდვის ობიექტი შეფუთული უნდა იყოს შესაბამისი ნორმების დაცვით.

6.2. მომწოდებელი პასუხისმგებელია შემსყიდველის წინაშე შესყიდვის ობიექტის ნებისმიერი სახის დაზიანების შემთხვევაში, რომელიც გამოწვეული იქნება არასწორი შეფუთვით.

7. შესყიდვის ობიექტის მოწოდების პირობები

7.1. საქონლის მიწოდება უნდა განხორციელდეს: -----

7.2. საქონლის მიწოდება განხორციელდება შემდეგ მისამართზე: -----

8. შესყიდვის ობიექტის მიღება-ჩაბარების წესი

8.1. მიღება-ჩაბარების წინ განხორციელდება მიწოდებული შესყიდვის ობიექტის ინსპექტირება, რომელსაც განახორციელებს ხელშეკრულების 5.1. პუნქტით განსაზღვრული უფლებამოსილი პირ(ებ)ი.

8.2. მიღება-ჩაბარების აქტებს შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მომწოდებლის მხრიდან მის მიერ უფლებამოსილი პირი.

8.3. შესყიდვის ობიექტის მიღება-ჩაბარებისათვის მიმწოდებელმა, უნდა წარმოადგინოს – სასაქონლო ზედნადები ან/და საგადასახადო ანგარიშ-ფაქტურა მიწოდებული შესყიდვის ობიექტის დასახელების, რაოდენობის, ერთეულის ფასის და საერთო ღირებულების მითითებით.

8.4. მომწოდებელმა უნდა უზრუნველყოს შემსყიდველისათვის 8.3. პუნქტში მითითებული დოკუმენტაციის წარდგენა შესყიდვის ობიექტის მიწოდების პარალელურად. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მომწოდებელს.

9. შესყიდვის ობიექტის ვარგისიანობის ვადა

9.1. მისაწოდებელი საქონლის ვარგისიანობის ვადა უნდა იყოს: -----

9.2. 9.1. პუნქტის მოქმედების პერიოდში მიმწოდებელი ვალდებულია მოწოდებული საქონლის წუნდების შესახებ დასაბუთებული შეტყობინების მიღებიდან არაუმეტეს 30 დღეში განახორციელოს წუნდებული შესყიდვის ობიექტის შეცვლა შემსყიდველის მხრიდან რაიმე დამატებითი დანახარჯის გაწევის გარეშე. აღნიშნული პასუხისმგებლობა არ ვრცელდება იმ შემთხვევებზე, როდესაც შესყიდვის ობიექტის დეფექტურობა გამოწვეულია შემსყიდველის მიერ შენახვის პირობების დარღვევით ან არამიზნობრივი (არადანიშნულებით) გამოყენებით.

10. ანგარიშსწორება

10.1. ანგარიშსწორების ფორმა იქნება: უნაღდო ანგარიშსწორება მომწოდებლის საბანკო ანგარიშზე შესყიდვის ობიექტის მოწოდების შემდეგ მიღება-ჩაბარების აქტის გაფორმებიდან არაუგვიანეს 20 (ოცი) სამუშაო დღისა.

10.2. „მიმწოდებელთან“ ანგარიშსწორება ხორციელდება ფაქტობრივად მიწოდებული საქონლის შესაბამისად.

10.3. ანგარიშსწორების საფუძველს წარმოადგენს: მიღება-ჩაბარების აქტი.

11. მხარეთა უფლება-მოვალეობანი

11.1. შემსყიდველი უფლებამოსილია მოითხოვოს ნივთობრივად და უფლებრივად უნაკლო შესყიდვის ობიექტი.

11.2. შემსყიდველი უფლებამოსილია შეწყვიტოს ხელშეკრულება შესყიდვის ობიექტის ხარისხის და/ან მოწოდების პირობების გაუარესების შემთხვევაში;

11.3. შემსყიდველი ვალდებულია უზრუნველყოს:

ა) მიწოდებული საქონლის ღირებულების დროული გადარიცხვა მომწოდებლის საბანკო ანგარიშზე;

ბ) მიწოდებული საქონლის შენახვა შესაბამისი პირობების და ტემპერატურული რეჟიმის დაცვით.

11.4. მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების დროული გადარიცხვა მის საბანკო ანგარიშზე;

11.5. მომწოდებელი ვალდებულია:

ა) უზრუნველყოს ამ ხელშეკრულებით განსაზღვრული ხარისხის შესყიდვის ობიექტის მოწოდება შემსყიდველისათვის წინამდებარე ხელშეკრულების პირობების შესაბამისად;

ბ) უზრუნველყოს საქართველოს კანონმდებლობით დადგენილი გადასახადების გადახდა და არ მოსთხოვოს შემსყიდველს სხვა არავითარი გადასახადის ან დამატებითი თანხის გადახდა;

გ) მიმწოდებელი ვალდებულია გაეცნოს და დაიცვას გლობალური ფონდის (დონორის მიერ პერიოდულად განახლებადი და გლობალური ფონდის ვებ.გვერდზე განთავსებული) „მიმწოდებლების ქცევის კოდექსი“-

12. მხარეთა პასუხისმგებლობა ხელშეკრულების პირობების შეუსრულებლობისათვის

12.1 ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.

12.2 ხელშეკრულებით განსაზღვრული მიწოდების ვადის გადაცდენის შემთხვევაში, მხარეებს ეკისრებათ პირგასამტეხლოს გადახდა ყოველ ვადაგადაცილებულ დღეზე გაანგარიშებით, მოსაწოდებელი საქონლის ღირებულების 0,1%-ს ოდენობით.

12.3 იმ შემთხვევაში, თუ ერთი მხარის მიმართ პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს მეორე მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

12.4 იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულების სრულად შესრულებას, მას დაეკისრება პირგასამტეხლო ხელშეკრულების ღირებულების 3%-ის ოდენობით. გარდა იმ შემთხვევისა, როდესაც გადაცილებული დღეების შესაბამისად დაკისრებული პირგასამტეხლო აღემატება ხელშეკრულების ჯამური ღირებულების 3%-ს. ასეთ შემთხვევაში პირგასამტეხლოს დაანგარიშება მოხდება ვადაგადაცილებული დღეების რაოდენობის მიხედვით.

12.5. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

12.6. მხარეები ვალდებულებას იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 30 (ოცდაათი) კალენდარული დღის განმავლობაში.

13. ხელშეკრულების პირობების გადასინჯვა და ფასები

13.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

13.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.4. ხელშეკრულების პირობების ნებისმიერი ცვლილება ან/და დამატება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14. ფორს-მაჟორული გარემოებები

14.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

14.2. გადაულახავ ძალად ჩაითვლება შემდეგი:

- ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
- ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;
- გ) ეპიდემიები;
- დ) ბლოკადა ან ნებისმიერი ეკონომიკური ემბარგო;
- ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული

ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.

14.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

14.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

14.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

14.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

14.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

14.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე გონივრულ ვადებში.

15. დავები და მათი გადაწყვეტის წესი

15.1 მხარეთა შორის წამოჭრილი დავა შესაძლებელია გადაწყვეტილ იქნეს ერთობლივი მოლაპარაკების საფუძველზე.

15.2. შემსყიდველმა და მომწოდებელმა ყველა ღონე უნდა იხმაროს, რათა პირდაპირი შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.3 თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს შესაბამის სასამართლოს კანონმდებლობით დადგენილი წესით.

16. ხელშეკრულების შეწყვეტა

16.1. ხელშეკრულება შეიძლება შეწყდეს ხელშეკრულების ვადის გასვლით, ხელშეკრულების პირობების შესრულებით ან მხარეთა შეთანხმებით.

16.2. წინამდებარე ხელშეკრულების 12.3 პუნქტით გათვალისწინებული პირობების დადგომით ან/და ამ ხელშეკრულების განსაზღვრული ვალდებულების შეუსრულებლობის გამო.

16.3. მხარეთა შეთანხმებით ხელშეკრულების შეწყვეტის შემთხვევაში ინიციატორი მხარე ვალდებულია მეორე მხარეს წერილობით 15 (თხუთმეტი) კალენდარული დღით ადრე აცნობოს აღნიშნულის თაობაზე. ხელშეკრულების შეწყვეტას უნდა გააჩნდეს ობიექტური დასაბუთება.

16.4. ხელშეკრულება ასევე შესაძლებელია შეწყდეს იმ შემთხვევაში თუ მიმწოდებელი ვერ უზრუნველყოფს წუნის გამოსწორებას წინამდებარე ხელშეკრულების 9.2 პუნქტის შესაბამისად.

16.5. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

16.6. ხელშეკრულება შეიძლება შეწყდეს ასევე, ამ ხელშეკრულებით გათვალისწინებულ ცალკეულ შემთხვევებში.

17. სხვა პირობები

17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

17.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

17.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის

ერთობლივი შესწავლა და შესაბამისი ფაქტების დადასტურება.

17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

17.6 ხელშეკრულება გაფორმებულია ელექტრონულად, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

17.7. ხელშეკრულების მოქმედების ვადა განისაზღვრება: -----

18. მხარეთა რეკვიზიტები:

„შემსყიდველი“

„მიმწოდებელი“

სსიპ - ლ. საყვარელიძის სახელობის
დაავადებათა კონტროლისა და
საზოგადოებრივი ჯანმრთელობის
ეროვნული ცენტრი

ქ. თბილისი, კახეთის გზატკეცილი ქ. №99

ს/კ №211324351

სახელმწიფო ხაზინა

ბ/კ №TRESGE22

ა/ა №GE 24 NB 0330 1002 0016 5022

მისამართი: -----

ს/კ : -----

ელ. ფოსტა: -----

ტელ: -----

ბანკი: -----

ბ/კ № -----

ა/ა № -----

ირმა ხონელიძე

გენერალური დირექტორის მოადგილე
/ პროგრამების დირექტორი

ხელმძღვანელი